

A D
 SANCTISS. D. N. SIXTVM V.
 PONT. OPT. MAX
 Guillelmi Blanci Albienſis I. C.

G A L L I A.



ILLA ego, qua quodā domui victricibus armis
 Extera Barbarico subdita regna duci:
 Qua potui gentes olim frenare superbas
 Iustitia, victas sub mea iura trahens:
 Aëra qua magnum impleui clangore tubarum,
 Classe fretum, terras milite, laude Polum:
 Illa ego, qua solis precibus non nescia vinci
 Pro tot finitimis Regibus arma tuli:
 Viribus externis qua nescio vincier unquam,
 Sola mei victrix, si modo victa forem:
 Illa ego, qua solo quondam pietatis amore
 Ducta, meas duxi trans freta vasta rates:
 Restitui qua sacra sacris, ferroq; cœgi,
 Ut Turca imperio viueret ipse meo:
 Atque ad meredij spolijs Orientis onusta,
 Prefixi & sacris parta trophæa locis:
 Illa ego, Romanos PETRI qua sede locaui
 Pontifices, proprijs restituiq; bonis:

B

Et pul-

Et pulchram petij per aperta pericula mortem,
 Si moritur, qui vult pro pietate mori:
 Illa ego, qua claras colui studiosius artes,
 Seu Bellona tuas, siue Minerva tuas:
 Illa ego, qua semper niuei candoris amica,
 Et quæ de lactis nomine dicta fui
 Gallia (sed sat erat solum pramittere nomen)
 Grandior ad patrios accido nata pedes.
 Atque colo te, SIXTE parens dignissime cultu,
 Et pedibus supplex oscula figo tuis.
 Aduentum fortasse meum miraberis ipse,
 Quod subeam externos fœmina sola Lares.
 Quod penetrem duros mōtes, & inhospita tesqua,
 Pigra nec inceptum bruma retardet iter.
 Sed mirum non est: sum fœmina nomine tantum,
 Cetera mas: odi molle virago genus.
 Insolitos soleo sola exantlare labores,
 Possum ego & Alpinas exsuperare niues.
 O! quoties gelidas victricia signa per Alpes
 Ipsa tuli, casus sustinuiq; graues.
 Enerit illa dies unquam, mihi bellica quando
 Auspicijs liceat signa mouere tuis.
 Enerit, vt tandem ciuili libera motu
 Extera sub SIXTO Principe bella geram.
 Seu canis arentes exurat Sirius agros,
 Seu rigeat duro terra coacta gelu,

Seu

Seu densi obscuro fundantur ab aëre nimbi,
 Seu grauis aethereo personet axe fragor,
 Ipsa estus, hyemem, pluuias, calig, fragorem,
 Vimq, omnem didici pertolerare libens.
 Et mihi ab aduerso via si praecluditur hoste,
 Praclusam soleo ferro aperire viam.
 Sed via tuta fuit, veni secura, nec ullus
 Prado oculos usquam constitit ante meos.
 Per nemora, & saltus veni, perq, inuia saxa,
 Et secui celeri, flumina larga, rate.
 Sed nemora, & saltus, sed & inuia saxa quiescunt,
 Et tranquilla fouet, flumina larga, quies.
 Omnia tuta silent: tutus venator in altis
 Montibus intorta cuspide figit apros.
 Fluminis in longo piscator margine tutus
 Pendula fallaci contegit ara cibo.
 Tutus & umbrosis in syluis callidus auceps
 Incautas ficto carmine fallit aues.
 Summo mane vocat desertis tutus in aruis
 Rusticus auersos sub iuga dura boues.
 Tutus & in pratis tenui proludit auena
 Imparibus pastor carmina iuncta modis.
 Et vidi, & memini: neque tanta incognitus auctor
 Pacis: sub SIXTO paxq, quiesq, vigent.
 SIXTVS sic placida Ausonios in pace gubernat,
 Aurea Saturni secula ut esse putem.

Piscator tua, SIXTE, suo, venator, & auceps,
Rusticus, & pastor carmine facta canunt.
Auctorem agnoscunt pacis, patriaq; parentem,
Et columen dicunt, praesidiumq; suum.
Cuncta sonant SIXTVM, SIXTVM: te SIXTE recessus,
Sylva, agri, montes, flumina, prata sonant.
Garrula dumosis habitans in vallibus Echo
Carmina vicinis collibus icta refert.
Qua vidi his oculis, qua demum his auribus hausi,
Hac loquor: an credam sensibus ipsa meis?
At fortasse voles veniendi querere causas,
Fecerit externas me quid inire vias?
Tanta mihi SIXTVM fuerit qua causa videndi,
Dum rabida belli seditione premor?
Expediam paucis. Mihi qua transmisit alumnus,
Perlegi facili carmina scripta manu,
Carmina cordatum SIXTI testantia pectus,
Carmina ventura posteritatis opus.
Fama meas illo cum carmine venit ad aures,
Fama tuum toto qua vehit Orbe decus,
Te iusto iniustos ferro domuisse latrones,
Te Latium Latio restituisse tuo.
Te vitis sanctam purgasse atrocibus Urbem,
Armatis sicas eripuisse viris.
Quaeq; exsul terris in Calum Astraea volarat,
E Calo in terras te reuocasse Deam.

*Telatas strauisse vias ad templa remota ,
 Qua populus toties relligiosus adit .
 Te prisca ingentem minitantia templa ruinam ,
 Et templis ritus restituisse sacros .
 Prima noui templi te fundamenta locasse ,
 Tullus ubi excubias egerat antè suas .
 PAVLO Antoninum te summa in Cochlidis arce ,
 Nec' non Traianum supposuisse PETRO .
 Arcu conuexo duxisse in culmina montis ,
 Qui sonat arguto murmure riuus aqua .
 Obscuris auulsa locis immania saxa
 Ante Palatinas constituuisse fores .
 Plurima per paucis te perfecisse diebus ,
 Maiora inq, dies perficienda tibi .
 Inueni veniens nudas sua membra puellas ,
 Sed tamen illas virginitate graues ,
 Qua properis altas superabant cursibus Alpes ,
 Nullum humeris inerat vel leue vestis onus .
 Fallor , an antiqui Charitas dixere Poëta ?
 Tres etenim vidi nexibus implicitas .
 Illa alacres ibant SIXTI benefacta canentes ,
 Cui Pylis optabant secula longa senis ,
 Sperantes maiora sibi , neque maxima SIXTI
 Cessantes varijs dicere facta modis .
 Vix ego credebam ; tot enim quis credere posset ?
 An' non hac poterant exsuperare fidem ?*

Perre-

Perrexī visura, meis sed credere nondūm

Possūm oculis, visus luditur an ne meus?

Qua video? cuncta hem! video superantia famam,

Omne omni video carmine maius opus.

En ut sub SIXTO Laurentia regna quiescunt?

Vt pax compositis motibus alma viget?

En ut abest toto infestus grassator ab agro?

Vt carpit tutum nocte viator iter?

En ut abest tota immanis sicarius Urbe?

En ut abest tota fur regione latens?

En ut pacificè degit cum coniuge coniunx,

Cum genitore puer, cumq; sorore soror?

Vt metuunt omnes adiurgia soluere linguam?

Vt metuit coniunx fallere iura thori?

En simplex virgo tedas exosa iugales

Vt uiuit nullis sollicitata procis?

En ut sub SIXTO rediuiua Astra resurgit,

Nec prece, nec precio flectier illa potest?

En ut praescriptis moderatur Legibus Urbem

SIXTVS, & ut Roma pristina fura nouat?

En ut deterret prauos formidine pœna?

Vt dignis defert premia digna uiris?

En ut prima noui ponit fundamina templi,

Splendori antiquum restituitq; suo?

En ut conuexa testudine ducit in Urbem

Illimes riuos prosilientis aqua?

En

En ut cliuosi complanat culmina montis?
 Utq; breui longum tempore sternit iter?
 En antiqua velut veterum simulacra Deorum
 E Capitolina deijcit arce pius?
 Qua facies Urbis? secli quis vertitur ordo?
 Nunc Vrbs hoc maior, quò fuit antè minor.
 Qualis Roma modò? quantum mutatur ab illa
 Roma, qua vanos vana secuta Deos?
 Cum mea gens nondum vera pietatis amica,
 Imperio nondum nobilitata meo,
 Nocte sub obscura Tarpeiam irrupit in arcem,
 Excubia somno dum iacuere graui,
 Atque anser rauco soluit stridore soporem,
 Et vigili Brennum prodidit ore ducem:
 Tunc Urbem miseram temerarius error habebat,
 Exitiale nefas, impietasq; grauis.
 Nunc verò excussa errorum caligine felix
 Resplendet veri cognitione Dei.
 Nunc puris addicta sacris sub Principe SIXTO
 Induperatorum futile ridet opus.
 „Tempore mutantur populi, mutantur et vrbes,
 „ Et tacitum tacito tempore tempus abit.
 Caesaris en Obelus fama super athera notus
 Obrutus aggesto rudere ut antè fuit?
 Casare maioris nunc iussu Principis ipse
 Conspicuo erectus surgit in astra foro.

Quodq.

*Quodq̃, superstitio sibi grande erexerat olim,
Nunc est diuina Relligionis opus.*

Casaris interijt fastus: sub Casare natus

CHRISTVS, sub CHRISTO Casar & ipse perit.

Diuiuos Casar sibi decernebat honores,

Qui tamen humana conditionis erat.

CHRISTVS factus homo grauida genitricis in aluo,

Sed qui non ideo desit esse Deus.

Hic est, ille fuit, tenuesq̃, euasit in auras:

„ Ipsa sua tandem gloria mole ruit.

At CHRISTI maior superas se tollit in auras

Gloria, nec casu corruit illa graui.

Casaris è tumulto tibi, CHRISTE, renascitur ingens

Gloria, qua mortis nescia uiuet anus.

O moles miranda diu! mirandus & auctor,

In medium quite transtulit arte forum!

Sed nouus en prodit superas Obeliscus in oras,

Qui fuit aggesta contumulatus humo?

Maximus in Circo latitauit Maximo, & uni

Nunc est inuentus, Maxime SIXTE, tibi.

Felix ò nimium felix Obelisce resurgis:

O! quantò est melior fors tua sorte tua?

Tu cecis tenebris incognitus antè iacebas,

Nunc clarum è tenebris exseris ipse caput.

Et prius occulta occultum quem vallis habebat,

Nunc mons in Cali Calius astra feret.

*Te Solis nato sacrauit vana vetustas,
 Sed Solis patri nunc eris ipse sacer.
 Longa uo fueras moles inscripta Rhamesti,
 Quod lateri incisa continuere nota.
 Longa uo SIXTO nunc inscribenda, quod ille
 Ad Lateranensem te iubet ire domum.
 Ille facit, longos ut stes immota per annos:
 Illi tu longi temporis omen eris.
 O felix iterum moles, celebrandaq; cultis
 Vatribus: ò! qua te carmina docta manent.
 Carmina, qua nunquam poterit delere vetustas:
 Carmina non ullo deperitura rogo.
 Ut neque saxa iacent, sic nec iacet incluta virtus:
 Qui lapides tollit, tollit & ille viros.
 Hinc fortuna procul, procul hinc conficta Chimara,
 Si modò quod nihil est, hinc procul esse potest.
 Fortunam cecam Calo tu Roma locabas,
 Fortunà cecà tu mihi caca magis:
 Immò oculata nimis, nihilum quod Roma videres:
 Quin caca omninò, si nihil ipsa vides.
 Nil fortuna fuit, nihil est, nihil ipsa futura,
 Aut nihilo quicquam si minus esse potest.
 Vna etenim virtus illa est, qua Principe SIXTO
 Non ita sublimes tollit in astra viros.
 Illa beat meritos, meritis & honoribus auget,
 Diuitias confert, pauperiemq; leuat.*

C

Munc-

*Muneribusq; fidem, sibi constantissima, seruat;
Et quos clarificat, semper amica fouet.*

*Vt SIXTVM illa fouet, SIXTVS sic confouet illam,
Nec patitur longo delituisse situ.*

*SIXTVM effert virtus, virtutem SIXTVS & effert:
Hæc dat, & ille capit: hic dat, & illa capit.*

*Res magè mira mihi, & nunquam sperata videri
Sese nunc oculis obijcit ipsa meis.*

An ne meos mendax oculos deludit imago?

An ne mihi Morpheus somnia vana facit?

*Ecce sacra Musa media versantur in Aula,
Non iam Parnassum, non Helicon tenent.*

*Euge Palatina tandem saluete Sorores:
Aulica nunc salue, rustica turba prius.*

*Antè nemus vobis, valles, & rura placebant:
Nunc rus, & vallis, displicuitq; nemus.*

*Antè Medusaos fontes habitare placebat,
Nec non Aöny culmina summa iugi.*

*Nunc Vaticani placuere palatia montis:
Aureus hic locus est, laureus ille fuit.*

*In Vaticano, Musa, feliciter este:
Conuenit ut vestris Vatribus iste locus?*

*Hic igitur quoniam iussit vos sistere SIXTVS,
Sistite, nec vestris derit Apollo choris.*

*Nam praerit SIXTVS vobis, cantumq; praibit
In medio residens alter Apollo choro.*

Non

*Non deerunt fontes; riuos nam SIXTVS in Urbem
Deduxit: fontes profiluere noui.*

*Immo Quirinali fontes in monte parantur,
Ipsa Caballinum quem modò Roma vocat.*

*Non deerunt horti; SIXTVS sibi fecerat hortos,
Et Vaticano nobilis hortus inest.*

*Non deerunt montes; septeno Vrbs vertice surgit,
Et triplicis montis stemmata SIXTVS habet.*

*Chalcographi haud deerūt, cudāt qui carmina vestra;
In Vaticano collocat ille typos.*

*Hic igitur SIXTI imperio confidite, Musa,
Nec paupertatis vos graue mergat onus.*

*Vos sciat ille inopes, mendicas nesciat unquam:
Spem non exiguum vos agitare iubet,*

*Sperate, atque bonis vosmet seruate futuris:
Vos sola SIXTVS voce beare potest.*

*En & alumnus adest? Et tu carissime salue,
Quem foui blando mater amica sinu.*

*Principis ut SIXTI celeberrima facta viderem,
Huc veni numeris ipsa vocata tuis.*

*Quàmlibet immenso describas carmine SIXTVM,
Res est carminibus grandior ipsa tuis.*

*Et cieas Charitas, moueasq; Helicon virentem,
Excedunt grates tot benefacta tuas.*

*En quales, quantosq; tibi largitur honores
Præcipuo Princeps dignus honore colit?*

En ultro tete admittit pēnetralibus Aula?

An non exsuperant spem benefacta tuam?

Hunc, fili, venerare libens, dum vita manebit:

Fac etiam vivat gratia morte tua.

At tibi, Sancte Parens, cui Gallica natio cura,

Et cuius felix exitus acta probat,

Munere pro tanto dignas persolvere grates

Certè equidem nostra non opis esse reor.

Sed saltem memori benefactum mente repositum

Harebit, grates & tibi semper agam.

Et populus summo Phœbus quem prospicit ortu,

Me non ingratam sentiet esse tibi.

Quiq; premit duris Tartesia littora plantis,

Me memorem tanti muneris esse sciet.

Quiq; est extremi gelido sub cardine mundi,

Uni deuotam me sciet esse tibi.

Quiq; habitat Cancris combustam ardore Syenen,

Me memorem tanti sentiet esse boni.

Non me, somnifer a biberem si pocula Lethes,

Immemorem facerent muneris illa dati.

Explora quacunq; voles, ego iussa capeſſam,

Vt posita in patrys filia prima sacris.

Sed tu crudeles, Phlegetonica semina, Turcas

Magnanimus bello sollicitare paras:

Sive cauum ratibus mavis fulcare Lemannum,

Ut trepidos hostes obsidione premas:

Seu

Seu magè sacrilegos vis debellare Britannos,
 Quos nobis aquor diuidit, atque fides:
 Non inuita sequar, sed non sequar, immò praibo,
 Hostibus armatas injiciamq, manus.
 Occidet Occiduus nauali Marte Britannus,
 Solis ad occasum fœmina seua cadet.
 Sanctorum innocuo nondum satiata cruore,
 (Proh scelus indignum!) fœmina regnat adhuc.
 Regnat adhuc, sauitq, animis, & caca furore
 Criminis ultorem non videt esse Deum.
 Juste Deus, scelerum vindex, & criminis ultor,
 Qui geris inuidia tela trifurca manu,
 Impunita fines, & tot patieris inulta
 Crimina, supplicio crimina digna graui?
 Cur non ipse tonas? Cur non tua fulmina torques?
 Cur tua in auctorem languida facta manus?
 Impia lena pios, iustos iniusta trucidat,
 Et furit in pœnas ingeniosa nouas.
 Lusus ei, manica, compes, crux, vincula, carcer:
 Et morti insontes dedere, lusus ei.
 Innocuus sanguis vindictam poscit, & ipse
 Purgari fuso sanguine. sanguis auet.
 Tot nothæ nota notis, tot fœmina nota nefandis
 Actibus, insano nota furore nimis,
 Attollit tepido stillantem sanguine dextram:
 Cognataq, noua cade madescit humus.

Non sat erat claro Reginam sanguine cretam
 Carcere conclusam detinuisse diu,
 Ni quoque conspiceret caput à cervice reuulsum.
 Fœmina (caucea) fauor illa tigris?
 O vos, quos summi voluit moderator Olympi
 Aurea regali sceptrâ tenere manu,
 Unanimes terris tam dirum excludite monstrum:
 Alcides vobis fiet & ipse minor.
 At tu, Sancte Senex, cuius stat legibus Orbis,
 Imperium CHRISTVS cui sine fine dedit,
 Dic modò pugnaces cœant in prœlia turmæ,
 Et lani ancipitis claustra patere iube.
 O! ego quos habeo iuuenes ad bella paratos.
 O! quâles mihi sunt in tua vota duces.
 A me vindictam proprio nunc iure reposcunt
 Fœdera cum Scotis Regibus icta mihi.
 Illa mihi quondam materno sanguine iuncta
 Siccine crudeli cade perempta iacet?
 Quam duxit, thalamiq; libens in parte locauit.
 Vnus de nostris Regibus, icta ruit?
 Et cesso in gemitus? & cesso in prœlia? nec me
 Impellit læsam iustus in arma furor?
 Arma, arma: effuso placabo sanguine manes,
 Anglica vinctrici monstra domabo manu.
 Tu mihi dexter ades, quoniã tua, Summe Sacerdos,
 Res agitur, similis te quoque cur apremat.

Pon-

Pontificem mulier soliq; detrudere Summum
Ausa erat in terris imperiosa suis.
Fulmine dissectos prisci finxere Poëta
Terrigenas ausos in lous ire domum,
Illosq; impositi montis pro talibus ausis
Vasta mole premi fabula ficta refert.
Impia qua Calo insultat, CHRISTIQ; ministrum
Non colit, immisso fulmine tacta ruet.
Et tandem infelix ALTO sub MONTE iacebit:
SIXTE, tubas belli nunc dare signa iube.
Gallus erit miles, sub te qui praelia inibit:
Et tua qui scribet praelia, Gallus erit.
Dent superi, longa ut longis respondeat etas
Ausibus, utq; operi vita sit aqua tuo:
Serus ut in Calum redeas, populoq; Quirini
Interfis, nec te tollat iniqua dies.
Hic potius magnus magnos tibi quare triumphos,
Neu patere, ut Solymam, te duce, Turca premat.
SIXTE adsisse bonis, & SIXTE resiste proteruis,
Et Pater hic Patria dicier ipse velis.
Hic Princeps, hic tu Pastor permitte vocari:
Hic Mæcenatis nobile nomen ames.

F I N I S.

24
GVILIELMVS BLANCVS
EPISCOPVS TOLONENSIS

GVILIELMO NEPOTI SVO

R O M A M.



*V R nimis effusos veteres dixere nepotes ?
An quia consuevit prodigus esse nepos ?
Scribis magnificè, Non est mendicus Apollo:
Cur igitur toties sedulus ara petis ?
Sape nepos nummos alieno tempore pascia :
Hoc tibi pro nummis accipe consilium.
Si desint loculi, Patruorum viuito more :
Cum fueris locuples, viuito more tuo.
Si tibi viginti reddat sestertia fundus,
Nunquid eo centum pendere iuro potes ?
Multū, inquit, spargo, quò sit quamplurima metis :
Metis tempus adest: dic mihi, quando metes ?
A puerotibi sum Mecænas, ecce resigno
In manibus Papæ nomen, & officium.
Qui te sponte sua tam grato affectit honore,
Hic tibi diuitias; nullaq; verba dabit.
Pontificem reuerenter habe, CHRISTOq; potenti
Submitte ingenium, vota, precesq; tuas.*


Toloni XIII.. Kal. Apr. 1587.

REVERENDISSIMO
D. GVILIELMO BLANCO
EPISCOPO TOLONENSI

Patruo colendissimo, eidemq; Exmeccœnate suo

GVILIELMVS BLANCUS IUNIOR
TOLONVM.



VR nimis effusos veteres dixere nepotes?
An quia non soleat prodigus esse nepos?
Sic à lucendo lucum dixere Latini,
Sic à parcendo Parca vocata fuit.

Scripsi magnificè, Non est mendicus Apollo:
Qua scripsi SIXTO, tu tibi scripta putas?
Poscere sape volo, verum ne poscere possim
Maiestas tanti Principis ipsa facit.
Et quoties aliquid conatur poscere SIXTVM,
Torpescit toties lingua retenta metu.
Talia & ora rubent roseo suffusa pudore,
Qualia Tithoni coniugis ora rubent.
Quinetiam ille suis donat permulta libenter,
Atque importunas vult procul esse preces.
Sat poscit, qui nil poscit; nam maxima dona
Accipit à SIXTO, qui nihil ipse petit.

At

*At mihi tu Patruus, longo tu cognitus usu;
Verba tibi possum liberiora loqui.*

Tu mihi Mecenas, teneris tu fautor ab annis:

Tu toties nummos suppeditare soles.

Sed nunc pro nummis cur das mihi carmina Vatis?

Ipse peto nummos, non peto consilium.

Carmin adest, sed nummus abest: non cudo monetā,

Ast uno centum carmina cudo die.

Messis, ais, iam tempus adest, successit & aestas:

Tempus adest, fateor, sed sine falce metam?

Nec metitur gratis, nec gratis campus aratur:

Ut tua sementis, sic tua messis erit.

Carmine quot vellent alio traducere messem,

Carmine traduci messis at ista nequit.

Si mihi nunc SIXTUS Mecenas incipit esse,

Cur mihi Mecenas desinis esse prior?

Ille mei quoniam tibi, Patruus, cura recessit?

Ille mei quoniam corde recessit amor?

An tibi nunc alius videor? nec, ut antè solebam,

Dignus amicitia, muneribusq; tuis?

Sed scio, quid tibi vis: cum sol splendescere cepit,

Splendorem amittunt astra minora suum:

Inq; vago Oceano perdit sua nomina flumen,

Atque minor cessat hic, ubi maior adest:

Sic Mecenatis purè nunc ipse resignas

In manibus Papa nomen, & officium.

Qui

*Qui me sponte sua tam grato affecit honore,
 Hic mihi diuitias, nullaq; verba dabit.
 Pontificem reuerebor enim, CHRISTOq; potenti
 Submittam ingenium, vota, precesq; meas.
 Hoc mihi consilium quouis preciosius auro:
 Non peto iam nummos, sed peto consilium.*

F I N I S .



R O M A E,

Ex Typographia Titl & Pauli de
 Dianis. CIO. IO. XXCVII.

THE
LIBRARY OF THE
BOSTON PUBLIC LIBRARY
ASTOR LENOX TILDEN FOUNDATION
1900

1900



1900

THE
LIBRARY OF THE
BOSTON PUBLIC LIBRARY
ASTOR LENOX TILDEN FOUNDATION
1900